



# **PARTII INUIT** INATSISARTUNI

**Partii Inuit**

**UKA 2013/29-1**

**Randi Broberg**

**15.10.2013**

Una pillugu siunnersuut: **Inoqutigiit isertitaasa annertussusaat aallaavigalugu utoqqalinersiat ilanngaateqartinneqartarnerisa atorunnaarsinneqarnissaa siu-nertaralugu Utoqqalinermi pensionisiat pillugit Inatsisartut peqqus-sutaat nr. 3, 7. maj 2007-imeersup Naalakkersuisut kingusinner-paamik UKA14-mi allangortitsinissaat pillugu Inatsisartuni aala-jangiiffigisassatut siunnersuut.**

(Inatsisartunut ilaasortaq Kristian Jeremiassen, Siumut)

Partii Inuit naatsumik siunnersuummut ima ittumik apuussa qarussuppoq.

Inunnik isumaginninneq ataatsimut isigalugu nutaamik nalilersuiniartoqarnera maluginiarparput, taamalu pissusissaatut isigalutigu, siunnersuummi taaneqartup qulajaanermut taaneqartumut ilanngunneqarnissaa.

Partii Inuit pingaartipparput sapinngisamik inuiaqatigiit ataatsimut isigalugit nalilersuisarnissarput. Tamannalu Ilaqutariinnermut Inatsinillu Atuutsitsinnermut Naalakkersuisoqarfimmiit akissummi erseqqissarneqartoq maluginiarparput.

Sukumiisumik ataatsimoortumillu qulaajaaneq orniginarneruvoq, sukut tamaana aaqeeqattaarnermiit.

Tamannalu peqqutigalugu Partii Inuit innersuussutigaarput, inunnik isumaginninnerup ataatsimut qulaajaaviginiarneqarneranut uiggiunneqassasoq. Taamalu apeqqut kingusinnerusukkut qaqqeqqinneqarumaartoq.